

6. oktober 2008

UKA 2008/66

**Umiarsualivimmiinnermut aamma umiarsuarni takornarianik angallassisuni
ilaasut akileraarutaat pillugit inatsisartut inatsisaata allangortinneranik
Inatsisartut inatsisissaattut siunnersuut**

pillugu

ISUMALIUTISSIISUT

**Inatsisartut Akileraartarnermut Akitsuusiisarnermullu Ataatsimiititaliaannit
saqqummiunneqartoq**

Siunnersuutip aappassaaneerpeqarnerani saqqummiunneqartoq

Inatsisartut Akileraartarnermut Akitsuusiisarnermullu Ataatsimiititaliaat
suliarinninnermini ukuninnga inuttaqarpoq:

Inatsisartunut ilaasortaq Emilie Olsen
Inatsisartunut ilaasortaq Aleqa Hammond
Inatsisartunut ilaasortaq Isak Davidsen
Inatsisartunut ilaasortaq Esmar Bergstrøm
Inatsisartunut ilaasortaq Palle Christiansen

Siunnersuutip siullermeerpeqarnera tunngavigalugu Akileraartarnermut
Akitsuusiisarnermullu Ataatsimiititaliap siunnersuut una misissuataarppaa.

Siunnersuutip imarisaa

Inatsisissatut siunnersuutip kingunerissavaa 1. januar 2009-miit atuutilersumik
umiarsuarni takornarianik angallassissutini ilaasumut ataatsimut aamma
angallassinernut Danmarkimiit, Savalimmiuniit nunanilluunniit allanit
aallaaveqartumik angallaseriaatsit marluk atorlugit aqqissuussinernut ilaasumut
ataatsimut akileraarutigitinneqartup 450 koruuniniit 525 koruuninut qaffanneqarnera.

Siunnersuutip Inatsisartuni siullermeerpeqarnera

Siullermeerinermi siunnersuut partiinit tamanit tapersernejarpoq.

Takornariartitsineramik inuussutissarsiornerup iluani inuussutissarsiutinik ingerlatsisut assigiinngitsut, assersuutigalugu takornariaqarnermut allaffiit aammalu assassukkanik sanalukkanillu tuniniaasartut assigiinngitsut siunissami siamasinnerusumik tusarniaaffigineqartarnissaat ingerlanneqartalertariaqartoq **Inuit Ataqtigiit** tikkuarpaat.

Umiarsuarni takornarianik angallassissutini ilaasunut, ilaatigut takornariat amerlassusaannut ilaatigullu najukkami inuiaqatigiit takornariaqarnermut atatillugu tunisassiaannik takornariartut piserusussuseqarnerannut akitsuutit qanoq ililluni sunnuteqarnerlunngitsumik annertusineqarsinnaanerisa qulaajaaffiginissaanut inuit taakku ilassuteqarsinnaasut **Inuit Ataqtigiit** isumaqarput.

Naalackersuisut tamanna tusaatissatut tiguaat oqaatigalugulu siunissami tusarniaasarnissani soqutigisaqatigiit amerlanerusut ilaatinneqartarumaartut.

Umiarsuarni takornarianik angallassissutini ilaasunut akitsuutinik assigisaanillu siunissami allannguisinnaanerit piffissami siusissukkut saqqummiunneqartalermissaat **Akilerartarnermut Akitsuusiisarnermullu Ataatsimiititaliamit** Naalackersuisunut kaammattuutigineqassaaq, taamaalilluni inuussutissarsiutinik ingerlataqartut kallarnejartut akinik aalajangersaasarnerminni allannguutinik ilanngussinissaminut periarfissaqarsinnaaqqullugit. Umiarsuarni takornarianik angallassissutini angalanissat angalanissap ingerlanneqarnissaa qaammaterpassuarnik sioqqutsisumik inniminnerneqakkajullutillu akilernejartarput. Taamaattumik 2009-p ingerlanerani angalanissat ilarpassui inniminnerneqareersimassasut naatsorsuutigineqarsinnaavoq, taamaattumik umiarsuarnik takornariutinik piginnittut akitsuutit qaffariaataat pisisartuminnut immikkut ittumik akilersinniarsarinnikkunikit saniatigut aningaasartuutit namminneq akilissallugit toqqartariaqassavaat. Ilaasumut ataatsimut qaffariaat 75 kr.-iusoq tusaannarlugu annertugisassaannikkaluarpoq, umiarsuilli takornariutit 2000-it tikillugit ilaasoqarsinnaanerit eqqarsaatigigaanni aningaasat amerlangaatsiartunngorsinnaapput.

Saqqummiussissutit inatsissatullu siunnersuutit kalaallisuuini qulequttat akoranni assigiinngissuseqartoqartoq ataatsimiititaliap paasivaa. Atortussat Inatsisartunut saqqummiunneqartussat suliarineqarneranni annertunerpaamik mianersuussilluartoqartarnissaa ataatsimiititaliamit inassutigineqassaaq.

Akilerartarnermut Akitsuusiisarnermullu Ataatsimiititaliap innersuussutaa

Siuliini oqaatigineqartut aammalu siullermeerinermi oqaaseqaatigineqartut tunngavigalugit **Akilerartarnermut Akitsuusiisarnermullu Ataatsimiititaliap isumaqatigiittup** siunnersuut **akuersissutigineqassasoq** innersuussutigaa.

Taama oqaaseqaateqarluni Akilerartarnermut Akitsuusiisarnermullu Ataatsimiititaliap siunnersuut Inatsisartunut aappassaaniigassanngortippaa

Emilie Olsen

Aleqa Hammond

Isak Davidsen

Esmar Bergstrøm

Palle Christiansen